

Broj: 101-2107/19 BS
Zenica, 07.02.2019. godine

Na osnovu člana 64. stav 2, tačka d, člana 70. stav 1, 3 i 6. Zakona o javnim nabavkama („Službeni glasnik BiH“, broj 39/14), člana 6. Pravilnika o postupku direktnog sporazuma u JP „ViK“ d.o.o. Zenica broj 100-4357-2/18 MS od 16.08.2018. godine, na Preporuku Komercijalne službe broj: 713-2106/19 BS od 07.02.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka javne nabavke

I

Poništava se postupak javne nabavke za nabavku usluga hostinga, iz razloga što nijedna od pristiglih ponuda nije prihvatljiva za Ugovorni organ – član 69. stav 2. tačka d.

II

Za izvršenje ove Odluke zadužuje se i ovlašćuje Komercijalna služba.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-1307/19 BS od 25.01.2019. godine.

Javna nabavka je provedena putem **direktnog sporazuma za dostavu ponuda**.

Procijenjena vrijednost javne nabavke bez uračunatog PDV-a je 3.500,00 KM.

II. Zahtjev za dostavu ponuda broj 713-1307-1/19 BS od 25.01.2019. godine, upućen je sljedećim ponuđačima:

1. Eurobrand d.o.o. Zenica,
2. Logosoft d.o.o. Sarajevo,
3. QSS d.o.o. Sarajevo,
4. Infosys d.o.o. Bosanska Krupa,
5. Leftor d.o.o. Tuzla.

U toku postupka ponuđači su u pisanoj formi od ugovornog organa tražili pojašnjenje tenderske dokumentacije. Postavljeno pitanje je bilo: „*Da li se umjesto SSD, može ponuditi HDD sa operativnim sistemom koji omogućava da Vi/Korisnik samostalno instalira Plesk i ostale potrebne softvere?*“

Ugovorni organ je odgovorio u pisanoj formi na postavljeno pitanje, a odgovor sa pojašnjenjem je dostavljen svim ponuđačima koji su bili pozvani za dostavljanje ponuda u direktnom sporazumu, a u skladu sa članom člana 56. Zakona o javnim nabavkama. Odgovor na postavljeno pitanje je glasio: „*Nakon instalacije PLESK, potrebno je aplicirati odgovarajuću licencu, koja se također plaća i koja treba biti uračunata u cijenu ponude. Nama je potrebno da Vaše kolege iz odjela Tehnike izvrše*

instalaciju i aplikaciju licence, tako da taj VPS dobijemo već preinstaliran. HDD ili SSD, nije eliminatoran element.“

Komercijalna služba je dana 07.02.2019. godine direktoru preduzeća dostavila Preporuku za poništenje postupka za nabavku usluga broj: 713-2106/19 BS od 07.02.2019. godine, u postupku javne nabavke za nabavku usluga hostinga.

U postupku, prema Izvještaju o radu broj: 713-2105/19 BS od 07.02.2019. godine, utvrđeno je da je Komercijalna služba blagovremeno i pravilno izvršila otvaranje ponude i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da je neblagovremeno zaprimljena 1 (jedna) ponuda.

Uvidom u priloženu dokumentaciju i suštinskom provjerom sadržaja i validnosti dokumentacije, Komercijalna služba je utvrdila da pristigle ponude neispunjavaju formalno-pravne zahtjeve ugovornog organa, odnosno pristigle ponude nisu prihvatljive za ugovorni organ i da ne mogu biti predmet ocjene shodno utvrđenom kriteriju.

- Naime, ponuđača QSS d.o.o. Sarajevo je dostavio ponudu u kojoj nije u Aneks 1 - Obrazac za cijenu ponude napisao slovima vrijednost ponude. Također, vrijednost ponude prelazi procijenjenu vrijednost Odluke. Iz prethodno navedenih razloga, ponuda ponuđača se odbija na osnovu člana 68. stav 4. tačka (i) i (j). Zakona o javnim nabavkama.

- Dana 05.02.2019. godine na protokol Javnog preduzeća „Vodovod i kanalizacija“ d.o.o. Zenica zaprimljena je i protokolirana je pod rednim brojem: 713-2117/19 ponuda od Eurobrand d.o.o. Zenica. Budući da je rok za dostavljanje ponuda u postupku direktnog sporazuma za nabavku usluga hostinga bio zakazan za dan 04.02.2019. godine u 11,00 sati, ponuda navedenog ponuđača je vraćena neotvorena, a u skladu sa članom 63. stav 1. Zakona o javnim nabavkama („Službeni glasnik BiH“, broj: 39/14), i člana 15. stav 6. Uputstva za pripremu modela tenderske dokumentacije i ponuda („Službeni glasnik BiH“, broj: 90/14).

U postupku donošenja ove Odluke, posebno su ocijenjene činjenice da je Komercijalna služba, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komercijalne službe.

Naime, u postupku je ocijenjeno da je Komercijalna služba u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 69. stav 2. tačka d. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke ne može se izjaviti žalba.

DOSTAVLJENO:

- 1 x Direktor preduzeća
- 1 x Pom.dir.za ekon i prav.posl.
- 1 x Pom.dir.za tehn.posl.
- 1 x Pom. dir. za razvoj i investicije
- 1 x Pravna služba
- 1 x Komercijalna služba
- 1 x a/a



DIREKTOR

Pašalić Emir, dipl.ing.građ.